



INDEPENDENT STATE OF PAPUA NEW GUINEA
NATIONAL STATE OF EMERGENCY 2024 (NATIONAL CAPITAL DISTRICT)

STET OV IMEJENSI



**DONALD YAMASOMBI, DPS, QPM
KONTROLA**

OL SENIS LONG SEKYURITI MESA BILONG 13 JANUERI 2024

Mi, Ekting Komisina, Donald Yamasombi, DPS, QPM Kontrola, i gat pawa aninit long Seksen 228 bilong Konstitusen bilong PNG na ol arapela pawa i tokaut long ol dispela senis long namba wan sekyuriti mesa bilong 13 Janueri 2024 we i tok:

“Mi, Ekting Komisina, Donald Yamasombi, Kontrola, i gat pawa aninit long Seksen 228 bilong Konsitusen.....”

Senis long dispela seksen bilong konstitusen i mas tok olsem:

“Mi, Ekting Komisina, Donald Yamasombi, Kontrola, i gat pawa aninit long Seksen 228 bilong Konstitusen.....”

Mi tokaut olsem dispela namba tu kopi bilong ol sekyuriti mesa i bin kamap long 13 Janueri 2024 na tok dispela hap bilong konstitusen Seksen 228 em i stretpela provisen, na mi rausim namba wan kopi bilong ol sekyuriti mesa we i tok Seksen228 bilong konstitusen. Mii givim tok orait olsem namba tu kopi bilong ol sekyuriti mesa em i stret nau na i bihainim provisen bilong konstitusen.

Dispela senis na namba tu kopi (i stap hia) bilong ol sekyutiti mesa em i **“stret nau”** na i wok lo.

Signed



Date: 16 / 01 / 24

**DONALD YAMASOMBI, DPS, QPM
KONTROLA**



**INDEPENDENT STATE OF PAPUA NEW GUINEA
NATIONAL STATE OF EMERGENCY 2024 (NATIONAL CAPITAL DISTRICT)**

OPIS BILONG KONTROLA

NO.1 BUNG LONG PABLIK PLES

Mi, Ekting Komisina, Donald Yamasombi, DPS, QPM Kontrola, i gat pawa aninit long Seksen 228 bilong Konstitusen bilong PNG na ol arapela pawa i tokaut long ol dispela sekyuriti mesa i kamap nau.

1. Bung long Pablik Ples – Long taim wanpela grup i bung long pablik ples long mekim wanpela samting. Dispela sekyuriti mesa i tok orait long bung long haus krai na lotu.
2. Tok klia olsem, bung long pablik ples, i karamapim tu ol strit maket.
3. Wanpela memba bilong Konstabuleri o Polis Opisa o wanpela memba bilong PNGDF i mekim wok bilong Polis olsem Spesel Konstabol i gat pawa long rausim ol pipel i bung long mesa 2.
4. Wanpela memba bilong Konstabuleri o Polis Opisa na wanpela memba bilong PNGDF imekim wok bilong Polis olsem Spesel Konstabol i gat pawa long rausim ol pipel i bung klostu long stua o wea haus long stil o brukim stua o weahaus o gavman propeti.
5. Wanpela memba bilong Konstabuleri o Polis Opisa na wanpela memba bilong PNGDF i mekim wok bilong Polis olsem Spesel Konstaboli gat pawa long stopim na sekim kar i karim ol pipel i go long wanpela pablik bung.
6. Wanpela man o grup husat i no harim tok na bihainim dispela oda bilong wanpela memba bilong Konstabuleri o Polis Opisa o memba bilong PNGDF husat i mekim wok bilong Polis olsem Spesel Konstabuleri i brukim lo aninit long Criminal Code Act na NCDC Municipal Act.
7. Ol dispela mesa i stat long 12 Januari 2024 inap long taim Nesenel Esekativ Kaunsil (NEC) i rausim.

Signed

**DONALD YAMASOMBI, DPS, QPM
KONTROLA**



Date: 16 / 01 / 24

NO.2 STOPIM, SEKAP & HOLIM

Mi, Ekting Komisina, Donald Yamasombi, DPS, QPM Kontrola, i gat pawa aninit long Seksen 228 bilong Konstitusen bilong PNG na ol arapela pawa i tokaut long ol dispel sekyuriti mesa:

1. Wantaim ol pawa aninit bilong Search Act 1977, wanpela memba bilong Konstabuleri o Polis Opisa na wanpela memba bilong PNGDF husat i gat pawa bilong Polis olsem Spesel Konstabol i gat pawa long stopim kar na sekim ol pasindia, na sekim bodi bilong ol long ol wepon.

2. Wanpela memba bilong Konstabuleri o Polis Opisa na wanpela memba bilong PNGDF husat i gat pawa bilong Polis olsem Spesel Konstabol i gat pawa long:
 - (a) Sekim ol kar long rot blok o bot long solwara; o
 - (b) Sekim bodi bilong man; o
 - (c) Sekim man sapos em i saspek olsem bai dispe la man i brukim lo insait long ol dispela mesa o ol arapela Act.
3. Wanpela memba bilong Konstabuleri o Polis Opisa na wanpela memba bilong PNGDF husat i gat pawa bilong Polis olsem Spesel Konstabol i gat pawa long sekim man sapos ol i saspek long em na ol i ken:
 - (a) Sekap long ol samting bilong em, na beg bilong em; o
 - (b) Tokim man long rausim ol ausait klos bilong em na sekim klos na ol samting i stap long long klos bilong em; o
 - (c) Sekim ol arapela samting long bodi bilong em olsem aiglas, hat, su, hanwas na bilas; o
 - (d) Tokim man o meri long putim ol samting bilong ol long X-Ray scanner, o long X-Ray masin bilong ol propeti; o
 - (e) Tokim ol long wokabaut long we i gat ditekta na ol han ditekta.
4. Long taim bilong mekim ol dispel sekap, memba bilong Konstabuleri, Polis Opisa na memba bilong PNGDF i mas bihainim stret pasin bilong sekim man na luksave long raits bilong dispela man.
5. Long redi long mekim sekap, memba bilong Konstabuleri o Polis Opisa o memba bilong PNGDF husat i gat pawa bilong Polis olsem Spesel Konstabol long sekap long bot long solwara, i mas bihainim stret pasin bilong sekap na luksave long raits bilong man.
6. Memba bilong Konstabuleri o Polis Opisa o memba bilong PNGDF husat i gat pawa bilong polis olsem Spesel Konstabol i ken sekim bodi bilong man na i ken mekim olsem sapos:
 - (a) Yusim han long pilim klos long bodi bilong man; na
 - (b) Sekim wanem samting man i putim long bodi, olsem hat, glap, su, ol bilas; na
 - (c) Sekap long ol samting dispela man i karim.
7. Long taim bilong rub-down search, memba bilong Konstabuleri, Polis Opisa na memba bilong PNGDF i mas bihainim stret pasin bilong sekap, na luksave long raits bilong man.
8. Wanpela man memba bilong Konstabuleri, Polis Opisa o memba bilong PNGDF i mas mekim rub-down search long man, na meri opisa i mas mekim rub-down search long meri.
9. Wanpela memba bilong Konstabuleri, Polis Opisa o memba bilong PNGDF husat i gat pawa bilong polis olsem Spesel Konstabol, i ken sekap long husat man ol i saspek i laik brukim lo.

10. Ol i ken sekap long ol kar, PMV bas na ol arapela kar long ol rot blok.

11. Wok bilong sekap na inspeksen long ples wanpela memba bilong Konstabuleri, Polis Opisa, o memba bilong PNGDF husat i gat pawa bilong Polis olsem Spesel Konstabol, i ken kamap sapos Kontrola i bilip olsem long taim bilong State of Emergency (SOE) wanpela memba bilong Konstabuleri, Polis Opisa o memba bilong PNGDF husat i gat pawa bilong Polis olsem Spesel Konstabol, i mas go insait hariap long sekap long wanpela haus na stopim wanpela kain birua inap kamap, long taim i no gat search warrant.

12. "Offensive weapon" em wanem kain samting man i ken yusim long givim bagarap long narapela man.

13. "Offensive weapon" em ol samting ol i saspek bai i ken kamapim bikpela birua, na ol i ken rausim ol dispela kain samting olsem:

- (i) Busnaip
- (ii) Waiakatapel
- (iii) Ol naip
- (iv) Ol skrudraiva
- (v) Ol bainat

14. Wantaim paragraph one (1) na tri (3) bilong dispela sekyuriti mesa, sapos sol i painim offensive weapon long wanpela man, memba bilong Konstabuleri, Polis Opisa o memba bilong PNGDF husat i gat pawa bilong Polis olsem Spesel Konstabol i ken rausim ol dispela samting.

15. Long paragraph tetin (13) bilong sekyuriti mesa na wantaim 'ol samting bilong brukim haus' i toktok long ol tul bilong brukim lok, dua na banis long go insait long propeti, rum o haus, opis, stua, wea haus o gavman propeti.

16. 'tul bilong brukim haus' em ol kain samting olsem:

- (a) Crowbar (pinchbar)
- (b) Hoxie
- (c) Bolt cutter
- (d) aluminum cutter (fence cutter)
- (e) Pliers
- (f) Screwdriver

17. Long taim bilong mekim search aninit long paragrap foa (4) faiv (5) na eleven (11) bilong dispela sekyuriti mesa, ol i mas givim bek ol samting we i no bilong kamapim bagarap, long husat man ol i bin kisim long en.

18. We ol bin kisim i samting bilong kamapim bagarap:

- (a) Bai ol i no inap givim bek; o
- (b) Man i brukim o sapos em i holim; o
- (c) Sapos no gat man i go kisim bihain long sampela taim, bai em i kamap propeti bilong Gavman na Kontrola bai toksave long rot bilong rausim dispela samting.

19. Pawa bilong arestim man na kalabusim bai bihainim lo bi long arrest na detention aninit long Arrest Act 1977 o ol arapela Act.

Signed


DONALD YAMASOMBI, DPS, QPM
KONTROLA



Date: 16 / 01 / 24

NO.3 SALIM NA DRING ALCOHOL

Mi, Ekting Komisina, Donald Yamasombi, DPS, QPM Kontrola, i gat pawa aninit long Seksen 228 bilong Konstitusen bilong PNG na ol arapela pawa i tokaut long ol dispel sekyuriti mesa:

1. Dringim alcohol long ol pub, nightclub, hotel, motel o kain ples olsem we i gat laisens namel long 10.00 a.m. na 10.00p.m. tasol.
2. I tambu long salim alcohol long ples i no gat liquor license. Sapos long taim bilong sekap na wanpela memba bilong Konstabuleri, Polis Opisa na memba bilong PNGDF i gat Polis pawa olsem Spesel Konstabol i kisim ol liquor. Bai proses bilong mesa No. 2 paragrap 8 i karamapim dispel samting.
3. Polis bai sekap long husat man ol i saspek olsem em i dringim alcohol long taim kar i ran long rot, long pablik ples o ples we i no gat laisens.

Signed


DONALD YAMASOMBI, DPS, QPM
KONTROLA



Date: 16 / 01 / 24

NO.4 PRAIS BILONG OL GUDS NA SEVIS

Mi, Ekting Komisina, Donald Yamasombi, DPS, QPM Kontrola, i gat pawa aninit long Seksen 228 bilong Konstitusen bilong PNG na ol arapela pawa i tokaut long ol dispel sekyuriti mesa:

1. Ol sevis provaida bilong olgeta guds na sevis bai i mas putim stretpela paris long ol sevis na prodak bilong ol.
2. Independent Consumer and Competition Commission (ICCC) bai sekap long lukim olsem ol sevis provaida i makim stretpela prais long ol sevis bilong ol na i putim was long dispela.

Signed


DONALD YAMASOMBI, DPS, QPM
KONTROLA



Date: 16 / 01 / 24

POINT 5 – CURFEW

Mi, Ekting Komisina, Donald Yamasombi, DPS, QPM Kontrola, i gat pawa aninit long Seksen 228 bilong Konstitusen bilong PNG na ol arapela pawa i tokaut long ol dispel sekyuriti mesa:

1. Kefiu Ekt bilong 1987 i no inap kamap insait long dispela Stet ov Imejensi
2. Dispela i min olsem bai nogat kefiu i kamap wantaim dispela Stet ov Imejensi.

Signed


DONALD YAMASOMBI, DPS, QPM
KONTROLA



Date: 16 / 01 / 24